

Equis, teste Maphæo, utuntur. Cujus commentum tale est. Cantherio seu tigno dodrantalis ferme crassitudinis, pedum octo longitudinis, Bubulum corium ad sellæ amplitudinem extendunt, huic exhippio divaricatis cruribus Viator insidet: Baiuli succollât duo, & ubi longum iter est, succedunt alii. Abundat etiam Zibethis, Animalibus formam Felis nostræ domesticæ habentibus, sed paullo minoribus. Habent autem in se Odoramenti genus quoddam pretiosum quod & *Zibethum* dicitur. Nutrit insuper Aves omnis generis, inprimis Psittacos virides & cinericios. Struthiones item, Pavones & Gallinas Indicas, Perdices & Anates: habet & Phasianes, Columbas, Turtures, & minorum Avium quæ *Becca-fichi* Incolis dicuntur, infinitum numerum. Aquilarum præterea, Falconum, Accipitrum fringillariorum, Pellicanorum magnam vim. Sunt & multæ Ardez candidæ, *Aves Regiæ* dictæ, ac aliæ Gruibus similes, quas Incolæ vocant *Flemminges*. Dividitur autem Regnum Congi in Provincias sex, *Bamba*, *Songo*, *Sundi*, *Pango*, *Batta* & *Pemba*. *Bamba* littoralis est, ab Ambrizi flumine ad Coanzam usque: regitur a variis Præfectis, quos ipsi *Mani* vocant. Primaria urbs est *Panza*, sita in planicie quæ est inter fluvium *Loze* & *Ambrize*. Hic moratur Præfectus Provinciæ, distatque a Mari c. m. pas. *Songo* ad flumen *Zaire* sita est. Primaria urbs est *Songo*, in qua Præfectus hujus provinciæ agit. *Sundi* a *Congi* urbe ad fluvium usque *Zaire* protenditur, Metallorumque variorum copia abundat. Incolæ ferrum ceteris præferunt, quod ex eo gladii, cultri, arma cudi possint: habent & zebelinos & Martes, aliaque Animalia quæ in ceteris quoque Provinciis inveniuntur. *Pango* a Septentrione *Sundi* contermina, a Meridie *Batta*, ab Occasu Comitatu *Congo*, & ab Ortumontibus *Solis* terminatur. Urbs primaria in qua Præfecti degunt Provinciæ cognominis est, diciturque *Pango*. *Batta* quinta Provincia: ejus fines sunt a Septentrione *Pango*, ab Ortum extenditur ad montes *Solis*, & ad radices Montium *Salnitri*. Et a Meridie usque ad Montem *Brusciato*. Hisce finibus *Batta* terminatur, atque urbs ejus primaria, in qua Princeps habitat, similiter *Batta* dicitur. Sexta & ultima Provincia *Pemba* sita est in medietate Regni Congi. In hac sita est totius Regni urbs primaria & Regia. Hæc hodie *S. Salvatoris* nominatur, olim vero dicta fuit *Banza*, quæ vox significat Aulam in qua Rex aut Præfectus plerumque agit. Sita c. 10 l. mill.